



Cuntents da pudair degustar ils vins: Emil Müller, Domenic Gross e Rico Lamprecht (da san.).



Ina runda pli gronda da deputads: Gian Peter Niggli, Simi Valär, Michael Pfäffli, Jöri Schwärzel, Thomas Rüegg e Ruedi Weber (da san.).



Deputads e deputadas en gir tras Puntraschigna.



Cusseglier guvernativ Jon Domenic Parolini (a san.) cun il patrun da la vinoteca «Gianottis» Romano Kling.



In «schnupft» per Gian Michael e la pli giuvna deputada Julia Müller.



Viva sin ils vins grischuns: Werner Natter, Ludwig Waidacher e Martin Wieland (da san.).

FOTOS G. N. STIGIER

# «Noss vischins han il meglier vin»

Cussegl grond: Degustaziun da vin

DA GION NUTEGN STIGIER / ANR

■ Tar la sessiun a Puntraschigna tutga er in program lateral. Uschia han ils deputads e las deputadas survegnì infurmaziuns dal lieu e quai cun far in pitschen gir tras la vischnanca. Cumbinà è quel vegnì cun ina degustaziun da vin en la vinoteca «Gianottis». Sco gia tar las davosas sessiuns extra muros tutgan er a Puntraschigna las occurrenzas lateralas tar il mingadi dals commembers e da las commembras dal cussegl grond. L'intent da las sessiuns ordai fer Cuir a è er da s'avischar a la populaziun e cunzunt er da mussar als deputads ed a las deputadas ch'er en las regiuns vivan la politica, la cuminanza e la societad. Mesemna vers saira èn ils umens e las dunnas dal parlament grischun er stads envidads ad ina degustaziun da vin. Gi lieu ha quella en la bar-restaurat-vinoteca «Gianottis» che sa chatta en il manaivel dal center da congress Rondo. Il local è fitg empernaivel, il servis è gentil ed er il mangiar è da bun gust e da buna qualitat. Preschentà ils vins ha gist il patrun sez, Romano Kling. Fatg ha el quai fitg professional e cun blera savida.

## Vins talians e vins grischuns

Cun intgins deputads avain nus discurre e cunzunt dumandà els tge vins che tutgan per els tar ina buna tschaina ubain tar ina buna cumpagnia. Romano Paterlini, il deputà da Lai, el è in grond ami dals vins spagnols e lura er da quels da noss vischins valtellinai. Tut tenor spais baiva el er in vin grischun, ha menziu-



Piculezzas da la cuschina dal «Gianottis» tar ils buns vins.

nà il cristiandemocrat. Il deputà da Sur-saissa, Ernst Sax, ha ditg ch'il pli gugent baivia el vins da la Toscana ubain dal Piemont, quels sajan da bun gust e da buna qualitat. Vins grischuns na baiva el betg uschè savens.

## Be vins grischuns

Cusseglier guvernativ Jon Domenic Parolini, el baiva gugent vins dal Signuradi, saja quai in vin alv sco per exempel la «Lindorna Bela» dal viticultur Ralf Komminoth da Maiavilla. Vins cotschens dal Signuradi preferescha il president da la regenza plitost da quels uschenumnads conservads en il «barrique». Sa mussà sco ami dals vins svizzers, da l'Austria e dal Tirol dal sid è lura il deputà liberal Michael Pfäffli da San Murezzan. El ha ditg

che sch'el saja en ina regiun, lura baivia el vins locals, quai che saja adina da recumandar.

## Vins da la Sardegna

Andreas Thöny, el è commember da la ps e ses vins preferids èn ils vins spagnols. Ad el gustan bain tut ils vins da la provinza Rioja u er ils Priortas che sajan er exclusiv en cumbinaziun cun tratgas da charn. Dals vins talians baiva el il pli vins da la Sardegna. Da temp en temp baiva el però er in bun vin grischun. Ils viticulturs dal Signuradi fetschian fitg buns vins. Da quel avis è er la deputada Sandra Locher Benguerel. Ella baiva vins grischuns er or d'ina raschun e quai saja che quels vins vegnian na da lontan. Alura, viva ils vins grischuns.



Da buna luna: Oliver Hohl, Benjamin Hefti, Anna-Margreth Holzinger e Walter Grass (da san.).